

30 OCT 1999

MAHATHIR TIBA DI KEDAH UNTUK SAKSIKAN MAJLIS TANDATANGANI MOU

ALOR SETAR, 30 Okt (Bernama) -- Perdana Menteri Datuk Seri Dr Mahathir Mohamad tiba di sini hari ini bagi menyaksikan upacara menandatangani memorandum persefahaman antara Petronas Carigali dan Triton Oil Company, Thailand.

Ketibaan beliau di Lapangan Terbang Sultan Abdul Halim, Kepala Batas disambut oleh Menteri Besar Tan Sri Sanusi Junid dan Exco kerajaan negeri.

Turut sama akan menyaksikan majlis itu ialah Perdana Menteri Thailand Chuan Leekpai. Beliau tiba pada pukul 2.30 petang ini di Bukit Kayu Hitam dan disambut oleh anggota Exco Kerajaan Negeri Datuk Abdullah Hasnan Kamaruddin.

Mahathir dan Chuan akan menyaksikan majlis menandatangani memorandum persefahaman itu petang ini di Wisma Darul Aman.

-- BERNAMA

MN RI